

# लाहना

साप्ताहिक पत्रकारिता, शैला आदर्शकला LAHANA WEEKLY वा:पै

सा:गु भिंगु मरिचरिया नितिं लुमका दिसै !  
 लक्ष्मण गजाल 'चिलिमि' प्रोप्राइटर  
**लाखा छै**  
 LAKHA CHHEN  
 सोहखुटे, वडा नं. १६, येँ, फोन नं.: ४५६०७५८

**थुकि दुने**

**सामाजिक भावना मदया वनाचवंगु समाज श्रीकृष्ण महर्जन नेवाः - २**

**बालाचःहे व लुति अजिमायाथाय सर्प होम बिराजकाजी राजोपाध्याय - ३**

**निक्वःगु हलिं नेवाः न्ह्यसः लिसः कासा : छपुलु केशरमान ताम्राकार - ६**

**निक्वःगु हलिं नेवाः न्ह्यसः लिसः कासा ११४३ या लू ४ - ५**

## निक्वःगु हलिं नेवाः न्ह्यसः लिसः कासा नेपालभाषाया हे दकले अप्तः राशीया सिरपाः

हलिमय् न्यनाचवंपिं नेवाःतय्त संगठित याय्गु व नेवाःतय्गु हक अधिकारया नितिं सः श्वय्केगु आज्जुं स्वनातःगु हलिं नेवाः दबू (वर्ल्ड नेवाः अर्गनाइजेशन)या ग्वसालय् जूगु निक्वःगु हलिं नेवाः न्ह्यसः लिसः कासाया त्याकामिपिन्त वंगु शनिवाः छगू ज्याइवः यासैं सिरपाः लःल्हाय्गु ज्या जूगु दु । न्ह पुस्तायात नेवाः छ्यलय् न्ह्यज्याकेगु नितिं हलिं नेवाः दबू नं युवापिठीयात लक्षित यानाः थुगु ज्याइवः न्ह्याकूगु खः । निदैं न्ह्यः न्हापांगु कासा जूगु थुगु कासायात निरन्तर न्ह्यज्याका यंकेगु ग्वसाःखलकं धाःगु दु ।

### लाहना संवाददाता

नेपालभाषा, साहित्य, संस्कृति लगायत थीथी पक्षय् ब्वमिपिन्त ज्ञान बिइगु आज्जु तयाः वर्ल्ड नेवाः अर्गनाइजेशनं ग्वसाः ग्वःगु निक्वःगु हलिं नेवाः न्ह्यसः लिसः कासाय् ब्वति काःपिन्त दसिपौ लःल्हायेगु ज्या शनिवाः क्वचाःगु दु ।

बागमती प्रदेश संस्कृति, पर्यटन तथा सहकारी मन्त्री पुकार महर्जनया मूपाहाँसुइ जूगु नेपालभाषाया माध्यमं ब्वकीगु जगत सुन्दर ब्वनेकुथिइ जूगु ज्याइवलय् ल्वंचामरि पुचः न्हाप लाःगु खः ।

थुगु कासाय् अय्थ्यामरी पुचः ल्यू लाःगु खःसाः चतामरी पुचः लियाँल्यू व प्यारामरी पुचलं हःपाः सिरपाः त्याकूगु खः ।

न्हाप, ल्यू लियाँल्यू व हःपाः सिरपाः त्याकादीगु पुचःयात कथहं द्वःछि, च्यासः, खुसः व प्यसः अमेरिकी डलर सिरपाःकथं लःल्हाःगु खः ।

थुगु कासा मुककं ३६८०



अमेरिकी डलर दुगु कासा खःसा थुगु कासाय् नेपाःया भिन्हय्गू व नेपाः पिनेया प्यंगू यानाः मुककं नीछ्गू पुचलं ब्वति काःगु खः ।

नेपाःया स्वनिगः दुनेया थीथी थासं व देसं पिने यूके व अमेरिकाय् च्वनाचवंपिं नेवाः ब्वमिपिन्सं ब्वति काःगु खः । थथे ब्वतिकाःगु थीथी पुचःयात नेवाः मरिचरिया नां बियाः पुचःया नां ब्यूगु खः ।

वर्ल्ड नेवाः अर्गनाइजेशन नेपाः च्याप्टरया न्वकु रमेश मान मुनिकारं

न्त्याकादीगु उगु ज्याइवलय् मन्त्री पुकार महर्जनं बागमती प्रदेशं नेपालभाषा सरकारी कामकाजी भाषाया रुपय् छ्यलाबुला जुइगु खँयात कया थःगु नुगः खँ तयादीगु खः । मूपाहाँ मन्त्री महर्जनं हलिं नेवाः दबुलिं नेवाः तजिलजि व म्हसीका मस्तयुत म्हसीके बीगु निर्तिं न्ह्याकूगु थुगु ज्याइवः च्वछाय्बहःजूगु धयादिसैं थमहं थुकथंया ज्याइवः न्ह्याकेत फुचाःकथं ग्वाहालि याना वनेगु बचं बियादिल । कासाया संयोजक समन्तश्री रत्न

बज्राचार्य, न्ह्यसः तयारी पुचःया कजि केशरमान ताम्राकार, केन्द्रया नायः संयुक्त श्रेष्ठ, डा. नरेशमान शाक्यपिन्सं इन्टरनेटया माध्यमं थःथःगु नुगः खँ तयादीगु खःसा संरक्षक दया शाक्य व निवर्तमान नायः सिजन श्रेष्ठया नं ब्वति दुगु खः ।

ज्याइवलय् वर्ल्ड नेवाः अर्गनाइजेसन नेपाः च्याप्टरया नायः सुरेन्द्रभक्त श्रेष्ठ ज्याइवःया संयोजन पुचःया नायःकथं लसकुस यासैं अन्तर पिष्ट्रिय रूपय् न्ह्याःगु थुगु न्ह्यसः लिसः कासाय् उत्साहजनक सहभागिता दुगुलिं ग्वसाः खलः उत्साहित जुयाच्वनागु खँ कनादीगु दु ।

हलिं नेवाः दबू जर्मन च्याप्टरया नायःलिसैं यूरोप कोअर्डिनेटर कुमार नापितं ज्याइवः सुथां लाकेत नेपाः च्याप्टरं म्हितूगु भूमिकाया सराहना यानादिल ।

ज्याइवलय् निर्णायक जुयादीपिं, कासा प्रचार प्रसार याःगु संचार छ्यःया पत्रकारपिं कासा न्ह्याकेत ल्यं ७ पेजय्

### जगतसुन्दरय् तजिलजि ब्वज्या

जगतसुन्दर ब्वनेकुथिया ग्वसालय् वंगु शुक्रवाः ब्वनेकुथिइ निक्वःगु तजिलजि ब्वज्या तःजिक क्वचाल ।

दच्छियकं न्यायेकेगु नखःचखः, बुसानिसैं सीधुकाःतक याइगु संस्कार लिसे भीसं पुनीगु तिसा वसः, नसा त्वँसा, कासा व थीथी जातिं याइगु ज्या बारे पुवंक जानकारी बिइगु तातुना न्ह्याकूगु ब्वज्याया मू आज्जु खः धकाः

ब्वनेकुथिया प्रिन्सिपल सुनिता मानन्धरं जानकारी बियादिल । ब्वज्या जुइ येँ मनपा १५ वडाया वडाध्यक्ष इश्वरमान डंगोलया मूपाहाँसुइ छगू औपचारिक ज्याइवः जूगु खःसा येँ मनपा १८ या वडाध्यक्ष न्हूलेकाजी महर्जन, हलिं नेवाः दबू नेपाः देय् मू कवःया नायः सुरेन्द्र भक्त श्रेष्ठ, येँ मनपा १५ या वडा दुजः मैयाँ महर्जन पाहाँकथं ल्यं ७ पेजय्

*Trendiest Fashion At Price You Love*

ufo the clothing store

Binod Maharjan 9841369552, 9808644666

**बि.आर्ट्स**

**B. Arts**

Nayabazar, Kirtipur

4335491, b.arts4335491@hotmail.com

- \* Banner, Flex Board
- \* Glow Sign Board
- \* Sticker Cutting / Printing
- \* Screen/ Rubber Print
- \* Self-ink/ Rubber Stamp
- \* PVC(ID) Visiting Card
- & all kinds of press works



## नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्त्यलं भी फुक्कं हे छम्ह जुइ धुन  
भीगु लागाय् भी स्वयं हे ज: जुया धुन लुइ धुन  
ह्यांगु भुमिइ अष्टमण्डल ह्यांगु चा: दुने थी नगु  
भीगु नेवा: ध्वाँय् थ्व हे ख: ज्यान भी सकस्यां छगू  
जातितय् स्वायत्त राज्य लुइ कर्प च्वय् भिलिमीलं  
राष्ट्र भ:भ: धाय्क न्ह्याके भीगु च:तिं भीगु हिं

## सम्पादकीय



### बसन्तपुरय् याइगु प्रसाईया ज्याइव:

राष्ट्र राष्ट्रियता, धर्म, संस्कृति र नागरिक बचाउ महाअभियानया नेतृत्व यानाच्वंगु मेडिकल व्यवसायी दुर्गा प्रसाई नं मडिसर ३० गते दुने नागरिक सरकार गठन याना: समानान्तर सरकार न्ह्याकेगु घोषणा पत्रकार सम्मेलन याना या:गु दु । अथे हे फागुन १ गते वसन्तपुरय् मत च्याका वैदिक सनातन धर्म सापेक्ष राष्ट्र घोषणा यायेगु ज्याइव पितब्यूगु दु । वयकलं पत्रकार सम्मेलनय् २०८० साल फागुन १ गते मेचीइ च्याकुगु मत वसन्तपुरय् जुजुया ल्हातं च्याका वैदिक सनातन धर्म सापेक्ष हिन्दु राष्ट्र दयेका जनविद्रोह सशक्त दयेकेगु धासं व्यवस्था परिवर्तनया नितीं मूर्त रुप बिइगु खँ धयादिगु दु । दुर्गा प्रसाई नं वंगु मंसिर ७ गते निसं जुजू लित हयेगु आन्दोलन याना वयाच्वंगु ख:सा उगु आन्दोलनय् सहभागि न्हिया न्हियं म्हो म्हो जुजु वनेवं आ: धर्मया नामय् थथे थीथी ज्याइव: तयेगु व स्वनिग:या नेवातय् थ:गु आन्दोलनय् हयेगु नितीं यै, यल ख्वपयात केन्दबिन्दु दयेका नवातय्गु धर्म संस्कृतिया रक्षा जुजुयात शासन बिल कि जुइ धका: तर्क धायेगु यानाह:गु दु ।

यै, यल व ख्वपया नेवा:तसें नं थ:गु अभियानय् साथ बिल धका: प्रसाई नं दावी याना वयाच्वंगु दु । नेवा:त सतकय् क्वहां मवल धा:सा कन्हय् वना नेवा:त थ्व थाय् त्व:ता: बिसिउ वनेमाली धका: नं धायेगु यानाच्वंगु दु । उलि जक मखु स्वनिग:या नेवा:तय्गु भूमि आ: नेवा:तय्गु मखुत मारवारीतय्गु जुइ धुंकल धका: नं वयकलं धयाच्वनादीगु दु । देय् हे मारवारीतय्गु ल्हातय् लाये धुंकल धयाच्वंगु दु । व्यापार व्यवसाय, राजनीतिनिसं देय्या भूमि तर्क इमिगु ल्हातय् लात धका: गुगु कथं प्रसाईया अभियानय् सक्रिय जूपिं व स्वयं प्रसाई नं धायेगु यानाच्वंगु दु थुकियात गम्भीर रुप कायेमा: ।

नेवा:त धाइपिं धर्म निरपेक्षता पक्षधर, नेवा:त धाइपिं गणतन्त्रवादी, नेवा:त धाइपिं संघीयतावादीत ख: धका: नेवा: न्ह्यलुवापिन्सं धायेगु यानाच्वंगु दु । अथे नेवा: न्ह्यलुवापिनिगु धापूयात छगू कथं प्रसाईया अभियानं हाथ्या बिउगु दु । प्रसाई नं हिन्दु राज्यया सवाल, जुजुया व्यवस्थानिसं संघीयताया खारेजया खँ जक मखु आ: वया ला नेवा:त स्वनिग: त्व:ता: वनेमालीगु अवस्था वइ धका: तर्क सार्वजनिक रुपं न्वंवानदीगुयात कया नेवा:त गम्भीर जुइगु ला कि मजुइगु ? उलि जक मखु थ:गु अभियान कथं जुजु हयेगु घोषणा यायेगु, गणतन्त्र खारेज यायेगुनिसं हिन्दू राज्य घोषणा यायेगु धका: यैया बसन्तपुरलिइ हे ज्याइव: तयेगु तयारी या:गु दु । थुकियात आ: नेवा:तसें गुगु कथं कायेगु ? तुलुतुलु स्वया जक च्वनेगु ला कि धात्थे नेवा:तसें नं थ:पिनिगु मुद्दायात ज्वना अभियान संचालन यायेगु, नेवा:तयत थुइकेगु नापं संगठित जुया न्ह्या: वनेगु ? नेवा:तसें थुगु सवालय् गम्भीर रुपं बिचा: याना थ:पिनिगु योजना दयेका मवन धा:सा कन्हय् वना कन्प्यूजय् लाना नेवा:त नं यक्व प्रसाईया अभियानय् वनेफु । उकिं नेवा: अधिकारया स: थ्वयेका वयाच्विपिं ब्यक्तित्वपिं नापं खल: पुच:तसें थज्व:गु खँय् ध्यान बिइमा:गु अवस्था दु ।

## सामाजिक भावना मदया वनाच्वंगु समाज



श्रीकृष्ण महर्जन नेवा:

सामाजिक ज्यायात चीहालं थुइकेबले समाजया नितीं याइगु ज्या ख: । थ्व ब्यक्तिगतिसबे नं पानाच्वनी । थुकिइ थ:गु छँसिबे पिनेच्विपिलसे नापं जाना समाज व देय्या नितीं ज्या याइगु ख: । बास्तवय् सामाजिक ज्या धइगु थज्व:गु ज्या ख:, गन समाजया मनुतय्गु जीवनया नितीं छुं यायेमा:गु दइ । सामकाजि ज्या यायेगु विकास १९ औं शताब्दी न्ह्य:निसंया ख: धाइ । सामकाजि ज्या थीथी खल: पुच:तपाखें यानाच्वंगु दइ । थुकिया सुरु मनुतयसें बिइगु ध्यबा नापं मेगु कथंया ग्वहालिं जुइ । अले इपिं संगठित जुया न्ह्या: वना समाजया नितीं छुं ज्या याइ । थुकिया नितीं छुं राजनीतिक पार्टीया बादनाप स्वानाच्वंगु दुइमखु । राजनीतिक दलया वादनाप स्वाना सामाजिक ज्या यात धा:सा व सामाजिक संस्था राजनीतिक दलया छगू कथंया भातू संगठन थें जूवनी । उकिं याना राजनीतिक रुपं धेधेबल्ला नं जुया वनेफु ।

थौंसिबे स्वंगू दशक न्ह्य: स्वनिग:या न्ह्यागु हे वस्तीइ स्वल धा:सां अन छुं नं छुं कथं सामाजिक ज्या यायेगु कथंया संस्था दयाच्वनी । समाजया नितीं छुं यायेत धका: दयेकात:गु दु । समाजय् मंका: कथं ज्या यायेगु नितीं दयेकीगु ख: सामाजि संस्थात । क्लब, पुस्तकालय वा छुं संस्था । अज्व:गु संस्था सक्रिय जुयाच्वन । समाजय् ल्यासे ल्याय्महतसें दयेका सक्रिय जुयाच्वंगु व हे क्लब, पुस्तकालय बाय् मेगु छुं नं कथंया संस्थां समाजय् ज्या यानाच्वंगु दु । सामाजिक ज्याया नेतृत्व कयाच्वंगु दइ । अथे धायेबले आ: सामाजिक संघ संस्था मदुगु हे ख:ला धका: नं न्ह्यस: वयेफु । आ: नं छुं छुं कथंया संस्थात ल्यानाच्वंगु दु । न्हापा त्वा: त्वा: पतिक वस्ती वस्ती पतिक दइगु ख:सा आ: धा:सा छगू निगू छुं छुं थासय् ल्यानाच्वंगु दु । न्हापाया सामाजिक ज्या यायेगु नितीं चायेकात:गु संस्थात धमाधम बन्द जुयावंगु दु । जिल्ला प्रशासनया ज्याकुथिइ दर्ता यानात:गु छुं छुं संस्था गुगु संस्थाया नामय् सम्पात दु, गुगु संस्थां आमदानी यानाच्वंगु दु अज्व:गु संस्था जक ल्यानाच्वंगु दु ।

नेवा: समुदाय दुने नं स्वल धा:सा न्हापा गुगु कथं भाषा, संस्कृतिया नितीं ज्या यायेगु धका: खल: पुच: चायेकात:गु ख: आ: उगु कथं मदु । गुगु खल: पुच:त न्हापा सक्रिय जुया कमित्तन भाषा, साहित्य, संस्कृतिया ज्या यानाच्वंगु ख: उगु कथं ज्या याइगु संस्थात तसकं म्हो जक जुया वनाच्वंगु दु ।

सामाजिक ज्या यायेगु नितीं मूल

रुपं युवात हे सक्रिय जुइगु ख: । थौं युवात धमाधम विदेश वनेगु यानाच्वंगु दु । अले समाजयात छुं यायेमा: धइगु भावनासिबे नं ब्यक्तिगत ज्याय् अप्व: लिमला फमला जुइगु । उकिं याना सामाजिक ज्या याइपिं ला फुर्सत दुपिं थें जक जुइगु । समाजया नितीं छुं यायेमा: धइगु भावना दुपिं ला तसकं म्हो जुजुं वनाच्वंगु दु । सामाजिक ज्या याइगु संस्थाया त्वा: त्वाल्य् मदुसां तत:धंगु संस्थात दु । विदेशय् निर्माण जुया व:गुनिसं मेमेगु कथंया संस्थात । बरु उकिइ मनुत आकर्षित जुजुं सक्रिय जुयाच्वंगु द । तर त्वा: त्वाल्य् धा:सा मदया वनाच्वन ।

मनुत त्वा: त्वाल्य् च्वना



मनुत त्वा: त्वाल्य् च्वना सहलह ब्याकेगुनिसं कया मेमेगु ज्या यायेगु नं ठहो जुया वन । थुकिया मूल कारण धइगु शहरीकरण नं ख: । गुलि गुलि सहर जुया वनी उलि उलि मनुत लिमलाना वनी । न्हून्हीपिं दया वइ । छठहेस्यां मेम्हेसित ठहसी मखु । फुक्क कथंया ज्याखँ छँय हे च्वना नापं ज्याकुथिइ च्वना ज्या यायेगु जुइ । उकिं याना अप्व: नापलाइगु अवस्था दइमखु । अथे जुया सामाजिक ज्या नं सलहल नं जुइमखु ।

सहलह ब्याकेगुनिसं कया मेमेगु ज्या यायेगु नं म्हो जुया वन । थुकिया मूल कारण धइगु शहरीकरण नं ख: । गुलि गुलि सहर जुया वनी उलि उलि मनुत लिमलाना वनी । न्हून्हीपिं दया वइ । छठहेस्यां मेम्हेसित ठहसी मखु । फुक्क कथंया ज्याखँ छँय हे च्वना नापं ज्याकुथिइ च्वना ज्या यायेगु जुइ । उकिं याना अप्व: नापलाइगु अवस्था दइमखु । अथे जुया सामाजिक ज्या यायेगु सवालय् नं सलहल नं जुइमखु ।

थौंसिबे स्वंगू दशक न्ह्य: त्वा: त्वाल्य् अबलेया स्थानीय तर्काखें छुं योजना हल धा:सा त्वा:यापिं हे सक्रिय जुया ज्या याइ । त्वा:या विकासया नितीं अर्थात समाजया नितीं । तर थौं वया अथे त्वा: त्वाल्य् ज्या याइपिं मनुत त्वा:यापिं जुइमखु ठेकदारत जुइ । त्वा:यापिं मनुतय्गु उपभोक्ता समिति दयेकी तर ज्या धा:सा फुक्कं ठेकदार याइ । उपभोक्ता समिति धइगु अनुगमन याइगु समिति कथं जक जुइ । ठेकदारपाखें ज्या जुइगु जुया यक्व मनुत ठेकदार जुया नं पिहां वयाच्वंगु दु । स्थानीय सरकारया ज्या याइपिं हे ठेकदारत जुइ । अले स्थानीय सरकारय् सु नेतृत्वय् वल व हे दल नाप स्वापू दुपिं हे ठेकदारत सक्रिय जुया इमिसं

हे ज्या याइ । स्थानीय सरकारया नेतृत्व ल्यूल्गु न्ह्य:न्ह्य: ठेकदारत जुयाच्वनी । चिचीधीपिं ठेकदारनिसं तत:धीपिं ठेकदारत । त्वा: त्वाल्य् स्वल धा:सां सामाजिक ज्या यायेगु धका: सक्रिय जुयाच्वीपिं नं अप्रत्येक्ष रुपं ठेकदार थें हे जुया ज्या यानाच्वंगु दुइ । इमिसं ज्या नं याइ धेबा नं कयाच्वंगु दइ । स्वयेबले समाजसेवी याथें च्वनी तर अप्रत्येक्ष रुपं धेबा नं कमेयानाच्वंगु दुइ ।

न्हापा न्हापा नेवा:तसें सामाजि ज्या यायेगु नितीं गुथि हे चायेकात:गु दुइ । लँया ज्या, ध:या ज्या, हितिया ज्यानिसं थीथी समाजया ज्या यायेत गुथि चायेकात:गु दुइ । उकिइ गुथ्या:त

दइ । इपिं समाजया ज्या यानितीं सक्रिय जुयाच्वनी । इमिसं थ:पिन्सं हे ज्या यायेगु बारे क्व:छिइ अले ज्या याइगु ख: । तर थौं वया अथे सामाजिक ज्या याइगु गुथित संचालन मजुयावन । नेवा: समाजय् सामकाजि ज्यासिबे नं आ: सांस्कृतिक ज्या याइगु गुथित जक संचालन जुयाच्वंगु दु । धार्मिक नाप स्वानाच्वंगु अले सांस्कृतिक ज्या याइगु गुथि जक ल्यानाच्वंगु खने दु ।

थुगु कथं समाजया अवस्थायात स्वल धा:सा बास्तवय् आ: सामाजिक ज्या यायेगु भावना मदया वनाच्वंगु खने दु । समाजया छम्ह मनु जूगुलिं समाजया नितीं नं छु यायेमा: धइगु भावना मदया वंगु धइगु मनुत ब्यक्तिइ केन्द्रित जुया वंगु ख: । ब्यक्ति ब्यक्तिपाखें हे समाज निर्माण जुयाच्वंगु दुइ । सामाजिक ज्या याइपिं गुलि अप्व: दइ उलि हे समाज हे न्ह्या: वनीगु ख: । समाजय् दुपिं सकलसित न्ह्य:ने यंकेगु ख: । सामाजिक ज्या यक्व याये मफुसां छुं छुं ई धा:सा बिबा वन धा:सा ज्या याना वन धा:सा सकलसिगु नितीं नं बांलाइ । थ:गु नितीं अले थ:गु समाजया नितीं । देय्या नितीं । उकिं सामाजिक ज्या यायेगु सवालय् नं थौंया इलय् बिचा: यायेमा:गु ई व:गु दु ।





# ३ या सिरपा इने ज्याइवःलिसें सांस्कृतिक ज्याइवः

किपा : अनुप प्रधान  
श्याम था



# निक्वःगु हलिं नेवाः न्ह्यसः लिसः कासा : छपुलु



केशरमान ताम्राकार, शिकागो

न्ह्यसः लिसः कासा नां कायेवं जितः ने.सं. ११०१ सालपाखेया अन्तरक्याम्पस नेपालभाषा न्ह्यसः लिसः कासा लुमना वइ। जितः लुमकथं भिक्वःगु कासा जुइमाः। कीर्तिपुर बहुमुखी क्याम्पस, त्रि.वि.वि.या पुचलं जिगु नायःसुइ भाइराजा तुलाधर, सागर शाक्य व सिजन राज तुलाधरपाखें ब्वति कयागु जुल। न्हापांगु चरणया कासा जि.ए.ए. ठमेलया हल्यु जूगु खः। बिजं कासा धाःसा प्रदर्शनीमार्गया राष्ट्रिय सभागृहया हल्यु जूगु खः। सभागृहया हल तन्न जाः जक मखु हलया त्वाथल्यु तर्क च्वना नं बिजं कासा स्वया च्वीं दु। जितः लुमं कथं उगु कासा स्वयेत टिकट न्यायेमाः। थुगु बिजंकासाया निर्णायकयु महुमह माणिक लाल श्रेष्ठ व मेह निम्ह जुयादीगु खः। बिजं कासा तसकं सनसनीपूर्ण। वं स्वयं व त्याई थें, वं स्वये व त्याइ थें। सकसियां नुगल्यु छू कौतूहलता दु। भचा भचा जक ल्याखं न्हाप व ल्यु जुइमहेसिया, प्रतिष्पर्धा जुयाच्चंगु खः। अन्तय वयाः उगु बिजं कासायु जिमिग पुचलं न्हाप जुया रनिड सिल्ड त्याका। अले लिउ लाःगु पुचः ख- शंकरदेव क्याम्पस। थ्व जुल बहःचा हाकलं ४३ दै न्ह्यःया अन्तरक्याम्पस नेपाल भाषा न्ह्यसःलिसः कासाया बाखं।

हलिं नेवाः दबूया ग्वसालयु क्यानाडाया बिमल मान श्रेष्ठया कजिसुइ न्हापांगु हलिं न्ह्यसः लिसः कासा जुल। थुगु कासायु जितः न्ह्यसः निर्माण यायेगु ज्याया कजिकथं ल्यःगु जुल। अले न्ह्यसः लिसः निर्माण पुचलयु जिगु कजिसुइ समन्त बज्राचार्य, शाक्य सरेन, उत्तम माकःजु, नरेश ताम्राकार, नारायण राजभण्डारी व मेमेपिं दुथ्याःगु जुल। अमेरिका, नेपाल, क्यानाडा व आयरल्याण्डया खुगुनिसें १२ तगिया २० पुचलं ब्वति काःगु जुल। थुगु कासाया सफ्टवेयर दयेकेगु ज्या बेलायतया संयुक्त श्रेष्ठ भाजुं भाला काःगु खः। दकलयु न्हापां हलिमयु जूगु नेपालभाषाया न्ह्यसः लिसः कासा खः थ्व। थ्व कासा यायेया लागी स्वला न्ह्यःनिसें तयारी जूगु खः।

न्हापांगु चरणयु थुगु कासा जुल, क्वाटर फाइनल ४ गू कासा, सेमि-फाइनल २ गू कासा व बिजंकासा १ गू यानाः मुक्कं १२ गू कासा जूगु जुल। क्वाटर फाइनल तक डिजिटल अनलाइनपाखें जूगु खःसा सेमिफाइनल व बिजंकासा अनलाइन व भौतिक निगू कथं जगत सुन्दर ब्वनेकुथिया हल्यु जूगु खः।

न्हापांगु न्ह्यसः लिसः कासा जुयाः निदैं लिपा थुगुसी निक्वःगु न्ह्यसःलिसः कासा नं तःजिक क्वचाःगु जुल। थुगु कासायु अमेरिका, बेलायत व नेपालया २१ गू पुचलं ब्वति काःगु खः। थुगु कासाया कजिकथं बोस्टनया समन्त श्री रत्न बज्राचार्य भाला कया दिलसा थुगुसी नं जितः हे न्ह्यसः लिसः निर्माण कमिटीया कजि जुइगु भाला बिल। अले थुगु निर्माण पुचलयु समन्त श्री रत्न बज्राचार्य, डा. शुशिल बहादुर ताम्राकार, डा. नरेशमान शाक्य, पौभाः सायूमि

सफ्टवेयर दयेकेगु भाला कयादीगु खः। न्हापांगु चरण, क्वाटर फाइनल, सेमिफाइनल व बिजं कासा यानाः मुक्कं १२ गू कासा न्ह्याःगु जुल। न्हापांगु चरणया ५ गू कासां अनलाइनपाखें जूगु खःसा क्वाटर फाइनल, सेमिफाइनल व बिजंकासा अनलिमिटेड टेक्नोलोजिया

अन क्वीज मास्टर छम्ह दइ। निम्ह जजत दइ। छम्ह टाइम किपर दइ, घण्टी छ्वाः दइ। अथेहे छम्ह स्कोर किपर दइ, छपा बोर्ड दइ, गन कासामिया नां व इमिसं काःगु ल्या च्वयेगु याइ। लिसे क्वीज मास्टरलिसे प्रत्येक कासामिपनि टेबुलयु छ्वाः छ्वाः माइक दइ। आः

ताम्राकार खःसा सफ्टवेयर दयेकादीम्ह बेलायतयु च्वनादीम्ह संयुक्त श्रेष्ठ जुया दी।

(७) न्हापांगु न्ह्यसःलिसः कासाया क्वीज मास्टर संयुक्त श्रेष्ठ, रश्मिला प्रजापति व उदेन न्हू सायूमि जुया दीगु खःसा निक्वःगु न्ह्यसःलिसः कासाया क्वीज मास्टरत डा. नरेश शाक्य, नितु डंगोल, पलिसा शाक्य, श्रद्धा महर्जन, सिलिभया राजोपाध्याय व सुमना वज्राचार्य जुयादीगु खः।

(८) नेपालभाषा न्ह्यसःलिसः कासा पलिसा याना दीम्ह छम्ह संस्थापक नेवाः न्ह्यलुवा व वरिष्ठ साहित्यकार भाजु हितकरवीर सिंह कंसाकारं न्हापांगु व निक्वःगु न्ह्यसःलिसः कासाया सिरपा इनेगु ज्याइवल्यु ब्वति कयादीगु दु।

(९) न्हापांगु न्ह्यसःलिसः कासाया पुचलयु स्वांया नां तयाः पुचः दयेकेगु जूगु खःसा निक्वःगु कासायु नेवाः मरिया नां छुगु खः।

(१०) निक्वःगु न्ह्यसःलिसः कासायु प्रत्येक कासायु न्हाप जूपिं पुचःतयुत ८० डलरया सिरपाःया व्यवस्था जूगु खःसा थुगु ८० डलर सिरपा बीगु व्यवस्था न्हापांगु न्ह्यसःलिसः कासायु महु।

(११) न्हापांगु न्ह्यसःलिसः कासा जूबलयु हलिं नेवाः दबूया नायः अमेरिकाया सिजन श्रेष्ठ जुयादीसा निक्वःगु न्ह्यसःलिसः कासायु बेलायतया संयुक्त श्रेष्ठ जुयादी। अथे हे नेपाः च्याटरया नायः शाक्य सुरेन खःसा लिपांगु न्ह्यसः लिसः कासाया इलयु सुरेन्द्रभक्त श्रेष्ठ जुयादी।

(१२) न्हापांगु व निक्वःगु न्ह्यसः लिसः कासाया सिरपा इनेगु ज्याइवः यैया जगत सुन्दर ब्वनेकुथी जूगु खः। अले उगु ज्या न्ह्याकादीपिं न्हापांगु अथे निदैं न्ह्यः मिस नेवाः मयूजु नितु डंगोल खःसा निक्वःगु ज्याइवःस हलिं नेवाः दबूया ल्यूनायः रमेशमान मुनिकार जुया दी।

हलिमयु च्वना द्वलंदः जक मखु लखंलख थीथी देशयु च्वनाः निगुलिं न्ह्यसः लिसः कासा स्वःगु दु। गुम्हेस्यां प्रत्यक्ष कासा स्वया दिलसा गुलिस्थां यू-टयुबयु स्वयाः नेपाःया तजिलजि, भायु, लिपि, इतिहास, कला, त्वाःबहाः, म्ये, कासा, सकिपा आदि लिसेलिसे अन्तरराष्ट्रिय ज्ञानया लबः काःगु दु। नेपाःया विद्यार्थीपिं जक मखु हलिंया थीथी देशया नेवाः व गैरनेवाः मस्तसें तक थुगु न्ह्यसःलिसः कासा स्वया थपिसं नं लिसः बीगु कुतः याःगु दु।

हलिं नेवाः दबूपाखें छकः निकः जक मखु दैयुदसं थुगु हलिं नेवाः न्ह्यसः लिसः कासा न्ह्याकाः आःसिबे नं आकर्षक सिरपाः तयाः २१ गू पुचः जक मखु, थ्व स्वयां नं अप्चः हलिंया मस्तसें ब्वति कायेकेया लागी प्रोत्साहन अवश्य याइ। आतकन्युगु न्ह्यसः लिसःया सफू नं पिथना दी।

(चमि निक्वःगु हलिं नेवाः न्ह्यसःलिसः कासा ११४३ या न्ह्यसः तयारी पुचःया कजि जुयादी।)



निक्वःगु हलिं नेवाः न्ह्यसःलिसः कासा ११४३ य न्हाप लाःगु पुचः।

हलिमयु च्वना द्वलंदः जक मखु लखंलख थीथी देशयु च्वनाः निगुलिं न्ह्यसः लिसः कासा स्वःगु दु। गुम्हेस्यां प्रत्यक्ष कासा स्वया दिलसा गुलिस्थां यू-टयुबयु स्वयाः नेपाःया तजिलजि, भायु, लिपि, इतिहास, कला, त्वाःबहाः, म्ये, कासा, सकिपा आदि लिसेलिसे अन्तरराष्ट्रिय ज्ञानया लबः काःगु दु। नेपाःया विद्यार्थीपिं जक मखु हलिंया थीथी देशया नेवाः व गैरनेवाः मस्तसें तक थुगु न्ह्यसःलिसः कासा स्वया थपिसं नं लिसः बीगु कुतः याःगु दु।

हल्यु अनलाइन व भौतिकरूपं जूगु खः। न्हापांगु व निक्वःगु न्ह्यसः लिसः कासायु ज्वःलाःगु व ज्वःमलाःगु छुं छुं खँत -

१. न्हापांगु न्ह्यसः लिसः कासायु न्यागु देशं (२० पुचलं) ब्वतिकाःगु खःसा निक्वःगु न्ह्यसःलिसः कासायु स्वंगु देशं जक ब्वति काःगु जुल। निक्वःगु कासायु स्वंगु देशं (२१ गू पुचलं) ब्वति काःगु खः।

२. न्हापांगु न्ह्यसःलिसः कासाया सिरपाः कथं खुस डलर न्हाप प्यसः डलर (लिउ), स्वसः डलर (लियाल्यु) व सत्या डलर (हःपाः) सिरपाः ब्यूगु जुल। निक्वःगु न्ह्यसःलिसः कासायु न्हापांगु कासायु स्वयां अप्चः धनरासी सिरपा द्वःछि (न्हाप), च्यासः (लिउ), खुसः (लियाल्यु) व प्यसः (हःपाः) ब्यूगु खः।

३. न्हापलाःगु पुचलं बिजकासायु गुलि ल्याः हल धकाः मिखा ब्वयेगु खःसा न्हापांगु न्ह्यसः लिसः कासायु यलबुकः स्वां पुचः पाखें १३५ ल्याः हयाः न्हाप त्याकेत ताःलात धाःसा निक्वःगु न्ह्यसःलिसः कासायु ल्वंचामरि पुचःपाखें २१० ल्याः हयाः न्हाप जुल।

४. पीदैं न्ह्यःया न्ह्यसःलिसः कासा व आःया न्ह्यसःलिसः कासायात दाना स्वयेगु खःसा न्हापा छू हल्यु कासा जुइ।

वयाः प्रत्येकपिसं कासा म्हितेत छ्वाः छ्वाः कम्प्युटर छ्यले माः। थःथःगु कोथायु च्वनाः कासा म्हिती। गुम्ह यलयु दुसा, गुम्ह ख्वपयु, गुम्ह अमेरिकायु गुम्ह क्यानाडायु च्वनाः कासायु ब्वति काइ। अथेहे क्वीज मास्टर व निर्णायक (जजत) नं थःथःगु क्वथायु च्वनाः न्ह्यसः न्यनी, कासा स्वयाच्चनी। न्हापा न्ह्यसः गोला प्रथा यानान्यनी। आः वयाः न्ह्यसः कम्प्युटरया सफ्टवेयर पाखें न्ह्याकी। कासाया लागी माःगु न्ह्यसः उकिया पायुछि लिसः, स्कोर गुलि वल, ई फुतया सुचं सकतां सकतां ज्या प्रोग्राम याना तःगु सफ्टवेयरपाखें ज्या याइ।

(५) न्हापान्हापा कासाया स्वकुमित हल्यु च्वनाः स्वयाच्चनी। आः वयाः अनलाइनयु च्वनाः हलिं न्यंकया स्वकुमिपिसं स्वयाच्चनी। निक्वःगु न्ह्यसःलिसः कासा ज्याइवः नेपाल मण्डल टि.भि.पाखें छू ज्याइवः प्यक्वःतक प्रशारण यात सा न्हापांगु न्ह्यसःलिसः कासा टिभिपाखें प्रशारण यायेगु ह्वताः चूमलात।

(६) न्हापांगु न्ह्यसः लिसः कासाया कजि क्यानाडा बिमलमान श्रेष्ठ खःसा निक्वःगु कासाया कजि अमेरिका, बोस्टनया समन्त श्री रत्न बज्राचार्य जुया दी। न्हापांगु व निक्वःगु निगुलिं कासायु न्ह्यसः लिसः निर्माण कमिटीया कजि शिकागोया केशरमान



४० दै न्ह्यः नेपालभाषा न्ह्यसःलिसः कासाया रनिड शिल्डलिसें चमि व वयुकःया पासिपिं।

पीदैंन्ह्यःनिसें दिनाच्चंगु नेपाल भाषा न्ह्यसःलिसः कासा निदैं न्ह्यः ने.सं ११४१ स कोरोनाया इलयु हलिमयु डिजिटल प्रविधि छ्यलाः

व संयुक्त श्रेष्ठ दुथ्याःगु जुल। न्हापांगु न्ह्यसः लिसः कासायु थें थुगु निक्वःगु कासायु नं बेलायतयु च्वना च्वनादीम्ह हलिं नेवाः दबूया नायः संयुक्त श्रेष्ठभाजुं

## संस्कृतिविद् गणेशराम लाछिया ७५ वः गु बुन्हि हन



संस्कृतिविद् गणेशराम लाछिया ७५ वः गु बुन्हि निगू सफू विमोचन यासैं तःजिक हंगु दु। मध्यपुर कला परिषद् व ख्यालिगुलि गुथिया मंकाः ग्वसालय् जूगु ज्याइवलय् भाजु लाछिया जीवनी सफू 'कर्मयोगी गणेशराम लाछि' व वयकलं च्यादीगु नेपाल मण्डल बागमति प्रदेशया संगीत

परम्परा' विमोचन जूगु खः। अक्षरमार्ग प्रकाशनपाखें पिथंगु भाजु लाछिया जीवनी सफू सूर्यप्रसाद लाकोजुं सम्पादन यानादीगु खः।

ज्याइवःया मू पाहाँ बागमति प्रदेशया कृषि तथा पशुपंक्षी विकास मन्त्री डा. राजेन्द्रमान श्रेष्ठ सफू विमोचन यानादिसैं संस्कृतिविद् लाछि

भाषा, कला, संस्कृति संरक्षणया निरति यानादीगु योगदानयात कयाः न्ववानादिल।

ज्याइवलय् विशेष पाहाँ मध्यपुर थिमि नगरपालिकाया मेयर सुरेन्द्र श्रेष्ठ, उपमेयर विजयकृष्ण श्रेष्ठपिसं नुगःखँ तयादीगु ज्याइवः परिषद्या अध्यक्ष सन्तकुमार प्रजापतिया सभापतित्वय् जूगु खः।

ज्याइवलय् भाजु लाछिया तःधिकःमह काय् सन्तोषराम लाछि साहित्य क्षेत्रय् कृयाशीलपित दैयदसं सिरपाः बीगु निरति भाजु गणेशराम लाछिया नामय् भिगू लाखया अक्षय कोष स्थापना यायेगु घोषणा यानादीगु खः। ज्याइवलय् थीथी संघसंस्थापाखें भाजु लाछियात हनापौ देखासैं संगं बियाः हनेज्या याःगु खः।

## मखनय् म्हाय् मस्त व भौमस्त मुना

रत्नकीर्ति महाविहार (मखं बहाल) य् मखं त्वाः मिसा पुचया ग्वसालय् शनिवाः मखं बहालय् म्हाय् मस्त व भौमस्त दथुइ म्हासीका कालबिल ज्याइवः वंगु शनिवाः जुल। थःगु कुल थायबाय् त्वःताः इहिपा याना वने धुंकूपिं म्हाय् मस्त, इहिपा मजुनिपिं म्हाय् मस्त, कुल छँ त्वःता बसाई सराई कयाः मेथाय् च्ववने धुंकूपिं म्हाय् मस्त भौमस्तयगु दथुइ म्हासीका कालबिल याःगु खः।



ज्याइवलय् ज्याथपिं म्हाय् मस्त व भौमस्त नापं बिद्याबारिधी यानादीपिं भौमस्त व म्हाय् मस्तयत हंगु खः। मिसा पुचया नायः

रमिता बज्राचार्यया सभापतित्वय् जूगु ज्याइवलय् ब्वति कयादीपिन्त पुचःया न्वकू बिनिता बज्राचार्य लसकुश यानादीगु खःसा रत्नकीर्ति महाविहारया

सचिब सागरमान बज्राचार्य व रत्नकीर्ति महाविहार अध्ययन मण्डलया कजि जितेन्द्र बिलास बज्राचार्यपिसं ज्याइवलय् नुगः खँ तयादीगु खः।

## धर्मोदयसभाया छँ दनेत जग स्वन



धर्मोदय सभा पलिस्था जूगु ८० दँ वयंगु लसताय् वंगु शुक्रवाः धर्मोदयसभाया थःगु हे छँ दनेत जग स्वंगु दु।

यलया बालकुमारीइ च्वंगु जग्गाय् संघनायक भिक्षु बोधिसेन महास्थविर, भिक्षु धम्मसोभन, चक्रेश्वर फणिन्द्ररत्न वज्राचार्य व बागमती

प्रदेशया उद्योग वाणिज्य मन्त्री रामकृष्ण चित्रकार मंकाः कथं जग स्वनादीगु खः।

थथे जग स्वनेगु ज्याइवलय् धर्मोदयसभाया महासचिब सागरमान वज्राचार्य लसकुस यानादीगु खःसा मन्त्री चित्रकार चन्दादाता प्रकाशमान शाक्ययात हनापौ लःल्हानादीगु खः।

अथे हे मन्त्री चित्रकार, बागमती प्रदेशया सांसद शैलेन्द्रमान वज्राचार्य, यँ माहानगरपालिकाया पुलांमह मेयर बिद्यासुन्दर शाक्यपिसं भिन्तुना देखानादिगु खःसा प्रेमहिरा तुलाधर सुभाय् देखानादीगु खः।

## हलिं नेवाः गुथिया स्वक्वःगु परिषद् मुँज्या

हलिं नेवाः गुथिया स्वक्वःगु परिषद् मुँज्या गुथिया मूज्याकू थक्वातय् थ्वहे कछलागाः पञ्चमि (मंसिर १६ गते) क्वचाल।

गुथिया मूनायः विनोद महर्जनया नायःसुइ जूगु ज्याइवलय् संरक्षक शान्तप्रकाश श्रेष्ठ मूपाहाँकथं उपस्थित जुयादीगु खः।

ज्याइवलय् मू नायः महर्जनं गुथिया योजना न्हयब्वयादिसैं वंगु

स्वला दुने जूगु ज्याइवःया जानकारी बियादिल। वयकलं गुथिया कवः व कचात विस्तार याना यंकेगु, एम्बुलेन्स संचालनया निरति कुतः यायेगु, गुथिया दुजःपिनि स्वास्थ्य उपचारया निरति काठमाडौं भ्याली अस्पतालनाप सम्भौता यायेगु व गुथिया गतिविधि सकसितं सीके बीगु निरति मेरो साप्ताहिक व मेरो एंगललिसे सञ्चार सहकार्य यायेगु योजना न्हयब्वयादिल।

मूपाहाँ संरक्षक श्रेष्ठ गुथिपाखें हलिमय् च्वीपिं नेवाःतयत् संगठित यायेत ज्याइवः न्ह्याके माःगुलिसे बैक, अस्पताल, स्कूल चायेकाः नेवाःतयत् आर्थिकरूपं सक्षम यायेमाःगु खँ तयादिल।

ज्याइवलय् गुथिया मूज्यासना पुचःयालिसें थीथी कवः व कचाया कजिलिसैं केन्द्रीय परिषद्या जःपिनि ब्वति दुगु खः।

## चित्तरन्जन नेपालीयात लुमंकल



नेपालभाषा एकेदेमिया पुलांमह चान्सलर व न्हूदँ नेपाल सम्बत राष्ट्रिय समारोह समितिया पुलांमह नायः चित्तरन्जन नेपालीयात लुमंकाः शनिवार छू लुमनि मुँज्या जूगु दु।

नेपालभाषा साहित्यख्यलय् ज्वःमदुगु योगदान दुमह साहित्यकार, अन्वेषक, समालोचक चित्तरन्जन लुमनि सभा एकेदेमिया चान्सलर यज्ञरत्न धाख्वाःया सभापतित्वय् जूगु खः। ज्याइवलय् ब्वति कयादीपिं सकसिनं दिवंगत नेपालीया सुगतिया कामना यासैं वयकःया किपा न्हयःने देवा छ्वाः छ्वाः च्याकादीगु खः। अथेहे वयकःया आत्माया चिरशान्ति कामना यासैं थीथी धार्मिक परम्परा

कथं पाठ नं याःगु खः।

ज्याइवलय् न्हूदँ समारोह समितिया सल्लाहकार व एकेदेमिया दुजः प्रा. प्रेमशान्ति तुलाधर, एकेदेमिया पुलांमह दुजः समालोचक प्रा डा चन्द्रमान बज्राचार्य, मडुमह चित्तरन्जनया काय् मनोज राजभण्डारी, परिवारया मेमह दुजः मन्जुर राजभण्डारी व नेपालभाषा एकेडेमीया भाइस चान्सलर नेवाः न्हयलुवा मल्ल के सुन्दरं चित्तरन्जन नेपालीया गुण लुमंकादीगु खः। एकेदेमिया प्राज्ञ दुजः विजयरत्न असंबरे न्ह्याकादीगु ज्याइवलय् न्हूदँ राष्ट्रिय समारोह समितिया सचिवालय दुजः सुजिव बज्राचार्य सुभाय् देखायादीगु खः।

## निकवःगु हलिं ...

आर्थिक ग्वहालि यानादीपिं, क्वीज मास्टरपिन्त मतिनाया चिं व सुभाय् पौ देखायगु ज्या नं याःगु खः।

खुगुनिसैं कक्षा भिनिगु तगिं तकया ब्विमिपिनि दथुइ जूगु थुगु कासा ने.सं. ११४३ गुंलाथ्व तृतियानिसैं कौलागाः त्रयोदशीतक न्ह्याःगु खः। न्हापांगु चरण जूम प्रविधि छ्यलाः भर्चुअलरूपं जूगु कासा अनं लिपा भौतिकरूपं हे स्वनिगःया थीथी थासय् जूगु खः। समापन ज्याइवलय् जगत सुन्दर ब्वनेकुथिया ब्विमि व नेपालभाषा ख्यःया नांजाःपिं कलारकापिसं हुला प्याखं, म्ये व धून न्हयब्वया सांस्कृतिक ज्याइवः नं न्ह्याकूगु खः।

ज्याइवलय् साहित्यकारलिसें नेवाः न्हयलुवा हितकर वीरसिंह कसाः, केन्द्रया न्वकू शाक्य सुरेन, पाहापिं नेवाः पत्रकार राष्ट्रिय दबूया नायः नृपेन्द्र लाल श्रेष्ठ, जगत सुन्दर ब्वनेकुथि या प्रिन्सिपल सुनिता मानन्धर, हलिं नेवाः दबू नेपाः च्याप्टरया मूसरक्षक पंचवीरसिंह तुलाधर, नेपाः राष्ट्रिय पार्टीया नायः डा. विजयप्रकाश सैजु, दबू

केन्द्रीय सल्लाहकार सुरेश प्रधान, प्रा. प्रेमशान्ति तुलाधर, गुथि संस्थानया प्रशासकीय प्रमुख किरण शाक्य, इमेज च्यानलया प्रबन्ध निर्देशक रघुवरभक्त मानन्धर, सुर बहादुर श्रेष्ठ, लगायत नांजापिं व्यक्तित्वपिं पाहाँकथं भ्यायादीगु खः।

## जगतसुन्दरय् ...

भ्यायादीगु खः। थुगु कथंया ब्वज्यां भीगु तजिलजि म्वाका तयत् ग्वहालि जुइगु जक मखसैं भीगु म्हासीका नं ल्यनाच्वनीगु जूगुलिं थज्याःगु ज्याइवः लिपा लिपा नं यानादीत इनाप यासैं माःगु कथंया ग्वहाली यायगु मूपाहाँ उगोलं बचं बियादिल। ब्वनेकुथिया संचालक समितिया कार्यवाहक नायः बिष्णु चित्रकारया नायःसुइ न्ह्याःगु खःसा लोककवि राजभाइ जकःमिं लसकुस यानादीगु खः।

ब्वज्याय् थीथी ब्वनेकुथिया ब्विमिपिं व सर्वसाधारण यानाः थ्यंमथ्यं स्वद्वः स्वकुमिपिसं ब्वति काःगु व थुज्वःगु ज्याइवः निरन्तर न्ह्याका यंकेगु प्रिन्सिपल सुनिता मानन्धर कनादीगु दु।

हरेक मंगलवार  
राष्ट्रियताको लागि समर्पित



मेरो साप्ताहिक

मना साप्ताहिक Mero Saptahik

मालाः मालाः ब्वनादिसैं।

## भक्त विद्याश्रमया ब्वमिपिन्त धिमे स्यनेज्या



यँया रक्तकालीइ च्वंगु भक्त विद्याश्रमया ब्वमिपिसं धिमेबाजा प्रशिक्षण नुवाकोट कपलास नासःद्यःयाथाय् रंकाः क्वचाय्कूगु दु। ५० म्ह ब्वमिपिसं ब्वति काःगु

स्यनेज्याय् यँ म.पा. १८ वडाया आर्थिक ग्वाहालिं न्ह्याकूगु खः। ब्वनेकुथिया प्रधानाध्यापक सुदर्शन कट्टेलया विशेष भूमिकाय् जूगु उगु ज्याइवल्य् संयोजक सानुराजा महर्जनया नेतृत्वय् न्ह्याःगु प्रशिक्षण ज्याइवः कपलास वनाः नासःद्यःया देगल्य् पुजा यानाः मंसिर १५ गते क्वचाय्कूगु खः। नासःद्यः म्ये, बाजं व प्याखंया द्यः जूगुलिं अन प्रशिक्षण समापनया नितीं ल्यःगु प्रशिक्षणया कजि सानुराजा महर्जन कनादिल। प्रशिक्षण समापन ज्याइवल्य् प्रशिक्षार्थी, संयोजक सानुराजा महर्जनलिसें ब्वनेकुथिया स्यनामि सुजिता शाही व कल्पना श्रेष्ठया ब्वति दुगु खः। ब्वमिपिन्त धिमे प्रशिक्षण कृष महर्जन व ईशान महर्जन बियादीगु खः।

## इलय् ज्या क्वचाय्केत सांसद पराजुलिया निर्देशन

विद्युत प्राधिकरण व मेलम्ची खानेपानीया हुनिं यँ १६ वडाया खुसिबुँ पहिक्व लाग्ना दुने स्यंगु लँ लांलातक पीच जुइ मफुगुलिं उगु लाग्नाया सांसद गणेश पराजुली पीआईडी व विद्युत प्राधिकरणया प्रधिनधि सःताः स्थानीय पिडीतपनि रोहवर्य् इलय् हे ज्या क्वचाय्केत सचेत याकूगु दु।



पहिक्व क्षेत्र उपभोक्ता समितिं थःगु खर्चय् पीच याःगु सडक मेलम्ची खानेपानी थःगु परियोजना क्वचायेवं दय्काबीगु धकाः म्हुगु जूसां क्वचाःमचाः वःबलय् नेपाल विद्युत प्राधिकरणया अष्टिकल फाइवरया ज्या न्ह्याकूगुलिं सडक पीच यानाबीगु याकूगु खः।

भाला नं विद्युत प्राधिकरण काङ्गु धकाः सम्भौता जूगुलिं मेलम्ची खानेपानी व विद्युत प्राधिकरण दथुया विवादं सडक पीच मजगुलिं स्थानीय मर्काय् लाःगु धासें सांसद पराजुली जनप्रतिनिधिया हैसियतं ध्यानाकर्षण याकूगु खः।

अन्तरक्रिया ज्याइवल्य् न्ववासें नयाँबजार जग्गा एकीकरण उपभोक्ता संघया नायः प्रमिला सिंहं ज्या क्वचाय्केत गथे खः अथे हे दय्का बीगु धाःगु लँ दत्या दतं नं मदय्कूगुलिं तं प्वकादिल।

**SASA TWA**  
**ससा त्वा**

Kirtipur-3, Sagal Tole  
Ph No.: 01-5907942, E-mail: info@sasa.com.np

www.sasa.com.np  
sasadatwa

## हार्दिक श्रद्धाञ्जली

बुदिं  
वि.सं. १९९५/३/११

मदुग् दिं  
वि.सं. २०८०/०८/६

मदुग् दिं  
वि.सं. २०८०/०८/६

**मदुम्ह आसा बहादुर श्रेष्ठ 'नुगः'**

**यल लुँहिति निवासी सामाजिक तथा धार्मिक ज्याय् न्ह्यज्यानादीम्ह**

**आसा बहादुर श्रेष्ठ 'नुगः'**

**थ्व हे २०८० मार्ग ६ गते आकाभाकां मदुगुलिं**

**मदुम्हसिया आत्मा बैकुण्ठ बास लाय्मा नापं**

**दुःखकःपिं सकल छँजःपिसं धैर्य धारण याय् फय्मा धकाः**

**बिचाः हाय्का च्वना ।**

**पाशापिं मुनाः पुचः**

**यल लुँहिति, नुगःत्वाः, यल ।**

## महिला हिंसाका घटनालाई कानूनी दायरामा ल्याऔं ।

- महिला हिंसा जोसुकैबाट जुनसुकै बेला जहाँकहीं हुन सक्दछ ।
- हिंसाका घटना लुकाउँदा, ढाकछोप गर्दा पीडक प्रोत्साहित हुन सक्छ र थप घटना हुन सक्दछन् ।
- पीडकलाई समयमा नै कानूनी दायरामा ल्याउन सके महिला हिंसाका घटनामा कमी आउन सक्छ ।
- त्यसैले नजिकका आफन्त तथा नातेदार, छिमेकी, साथीभाई, सहकर्मी भनी कुनैपनि पीडकलाई उम्कन नदिऔं ।

**पीडकलाई कानूनी दायरामा ल्याऔं, सभ्य समाजको निर्माण गरौं।**

**नेपाल सरकार**  
**विज्ञापन बोर्ड**